



Ledscha davart l'acquist e  
la perdita  
dal vaschinadi cumünal da  
Zernez

(seguond art. 19 da la ledscha chantunala)

# Ledscha davart l'acquist e la perdita dal vaschinadi cumünal da Zernez

## PRINCIP

### Art. 1

Il dret da vaschinadi dal cumün da Zernez po gnir concess a vaschins dal chantun, a vaschins svizzers, ad esters e persunas sainza naziunalità, premiss chi vegnan accumulidas las cundiziuns legalas da la confederaziun, dal chantun e dal cumün da vaschinadi.

## PREMISSAS

### Art. 2

Il vaschinadi dal cumün da Zernez po be gnir concess o impromiss a persunas, chi, davo avair examinà lur relaziuns personalas, lur deport, lur sandà ed impustüt lur vita precedainta, la basa d'existenza, e chi han gnü la voluntà d'imprender bain rumantsch, paran dad esser adattadas. Ils petents han implü dad esser integrats illa cumünanza locala ed attachats a la populaziun indigena.

Il vaschinadi po be gnir concess a persunas chi nu sun in possess da daplü co ün ulteriur vaschinadi cumünal svizzer.

## DOMICIL

### Art. 3

Il vaschinadi po be gnir concess – resalv l'artichel 9 da la ledscha chantunala da vaschinadi – a persunas chi han lur domicil in Svizra e chi han vivü d'ürant tuot insembel 12 ons i'l cumün da Zernez, dals quals 6 ons d'ürant ils ultims 8 ons.

In cas excepziunals po gnir desisti da la pretaisa da domicil i'l sen da l'alinea 1, impustüt schi pon gnir cumprovadas relaziuns fich strettas cul cumün o scha'l petent s'ha acquistà gronds merits pel cumün.

## **DRET**

### **Art. 4**

Vaschins svizzers chi vivan d'ürant 15 ons ed esters chi vivan d'ürant 20 ons sainz'interrupziun i'l cumün da Zernez han il dret da s'acquistar il vaschinadi, scha las permissas tenor artichel 2 sun avantman.

Ün ester chi'd es nat in Svizra, ha quel medem dret cun las listessas premissas, davo üna dmura na interruotta da 16 ons i'l cumün da Zernez.

## **TAXAS DA NATÜRALISAZIUN**

### **Art. 5**

Per la natüralisaziun da Svizzers vain in chaschada üna taxa da 1000 francs per persuna, da 2000 francs per üna famiglia e dad esters üna tala da 3000 francs per persuna. Quistas tarifas maximalas nu pon gnir surpassadas. Ellas pon gnir gradudas. Uffants minorens chi sun inclus illa natüralisaziun sun eir inclus in quistas taxas.

Pro üna d'ürada da domicil da minimalmaing 15 ons i'l cumün o scha la capacità da prestaziun economica es minimala, vain la taxa redotta fin a maximal 50%.

Pro la concessiun dal vaschinadi d'onur nu vain in chargiada ingüna taxa.

La taxa da vaschinadi vain assegnada al cumün politic, davo avair dedüt tuot las spaisas administrativas.

## VASCHINADI D'ONUR

### Art. 6

A persunas chi s'han acquistadas merits specials pel cumün da Zernez po gnir concess il vaschinadi d'onur. Scha la concessiun dal vaschinadi d'onur dess avair ils effects d'üna natüralisaziun ordinaria, han dad esser accumulidas las premissas legalas da la confederaziun e dal chantun.

## INTEGRAZIUN

### Art. 7

Illa natüralisaziun d'ün genitur sun inclus – resalv l'alea 2 – ils uffants minorens chi stan suot si'autorità, scha quai nun es exclus expressamaing. Pro la concessiun dal vaschinadi d'onur ha da gnir decis explicitamaing l'integraziun dals uffants.

Per l'integraziun dad uffants suot 16 ons faja dabsögn da l'acconsentimaint da tuots duos genituors; per uffants sur 16 ons vala quai be sch'els dan l'acconsentimaint in scrit.

La cumpraisa nun es pussibla scha l'oter possessur da la pusanza da genitur s'oppuona a quist intent.

## PROCEDER

### Art. 8

La dumanda per gnir admiss sco vaschin dal cumün da Zernez es dad inoltrar in scrit a la suprastanza da la corporaziun dals vaschins.

Dumanda

A la dumanda sun d'agiundscher:

- a) documaints davart il stadi civil ed evtl. il stadi familiar
- b) attest da domicil sco pretais i'l artichel 3 resp. 4
- c) cuors da vita
- d) attestat da bun deport pels ultims 8 ons, emiss dals cumüns da domicil
- e) ün extrat dal register penal
- f) ün extrat dal register fiscal
- g) l'acconsentimaint dals genituors (per petents minorens)
- h) l'acconsentimaint da l'avuà e da la cumischiun tutelara (per petents suot avuadia)
- i) l'acconsentimaint da las autoritats federalas (per esters)

Per la concessiun dal vaschinadi d'onur confuorm l'artichel 6 alinea 2, nu fan dabsögn ils documaints tenor l'alinea 1 custabs c fin f.

#### Art. 9

Examinaziun,  
decisiun

La suprastanza da la corporaziun dals vaschins examinescha mincha dumanda da natüralisaziun e pretenda, schi fa dabsögn, ils documaints necessaris.

Sun avantman las premissas legalas, schi suottametta la suprastanza da la corporaziun dals vaschins la dumanda, cun sia racumandaziun, chi ha eir da cuntgnair la taxa da natüralisaziun, a la radunanza dals vaschins.

Quella decida cun magiurità simpla.

Davart dumandas i'l sen da l'artichel 4 decida la radunanza da la corporaziun dals vaschins.

Refüsa la radunanza dals vaschins üna dumanda, sto la suprastanza infuormar il petent e til render attent ch'el ha la pussibilità dad inoltrar recuors pro'l tribunal administrativ infra 20 dis davo l'infuormaziun.

## Art. 10

La decisiun da la radunanza dals vaschins sto gnir comuni- Infuormaziun  
chada in scrit al petent.

Vain aderi a la dumanda es da trametter la decisiun eir a l'au-  
torità chantunala da surveglianza dal stadi civil, agiun-  
dschond la documainta tenor artichel 8 alinea 1. Quist'auto-  
rità indüescha eventualmaing il proceder da natüralisaziun  
chantunala e publichescha las comunicaziuns officialas  
necessarias.

## Art. 11

Scha'l petent nu posseda amo il vaschinadi chantunal, schi Vigur legala  
aintra in vigur il vaschinadi cumünal a listess mumaint co  
quel chantunal. In oters cas succeda quai cun la decisiun d'in-  
scripziun da l'uffizi chantunal da surveglianza dal stadi civil.

## LIBERAZIUN

### Art. 12

La liberaziun dal vaschinadi dal cumün da Zernez as drizza  
tenor artichel 29 ff da la ledscha chantunala da vaschinadi.  
Dumandas correspudentas sun da drizzar a l'autorità chan-  
tunala da surveglianza davart ils affars da stadi civil.

## AVANTAGS DALS VASCHINS

### Art. 13

Il dret vi dals avantags dals vaschins han be vaschins ma-  
jorens chi han lur domicil i'l cumün da Zernez.

Il dret vi dals avantags dals vaschins, acquistà üna vouta, aintra davò ün'interrupziun da domicil subit darcheu in vigur. Pro vendita da terrain han ils vaschins il dret da prüma cumpra. Pro contrats in vigur e contrats nouvs da fittanza da possess dals vaschins ha la suprastanza dals vaschins il dret da contrahent.

## EGUALITÀ DA DRETS

### Art. 14

Egualità da drets dad hom e duonna

L'egualità da drets dad hom e duonna es garantida. Confuorm a quist princip valan tuottas denominaziuns da persunas, adonta da la fuorma linguistica masculina ütilisada, per amendus sex.

## DISPOSIZIUNS FINALAS

### Art. 15

Entrada in vigur

Quista ledscha aintra in vigur davò esser acceptada da la radunanza da la corporaziun dals vaschins ed approvada da la Regenza.

### Art. 16

Decisiuns transitorias

Dumandas da natüralisaziun, chi sun gnüdas inoltradas avant co cha quista ledscha aintra in vigur, suottastan a la ledscha plü favuraivla pel petent. Las disposiziuns stringentas da la ledscha da vaschinadi chantunal ston in mincha cas gnir observadas.

7530 Zernez, ils 19 schner 1994

In nom da la radunanza dals vaschins

Il president:  
Peider Guidon

L'actuar:  
Rico Minsch

Approvà da la Regenza tenor decret dals 7- 6 - 1994, Nr. 1460

in nom da la Regenza

Il president:  
L. Bärtsch

Il directur da la cancellaria:  
Dr. Riesen